

八瓊室金石補正

第四五册



八瓊室金石補正卷九十六

男 繼輝校錄

太倉陸增祥撰

吳興劉承幹覆校

宋十五

澹山巖題刻五十一段

潘正夫等詩 萃編已錄

地出天開 缺出天二字 塵世路 缺塵字 奕罷空歸 缺奕歸二字 雲深

多失 缺雲深二字 高排石棧 缺高排二字 野色新 缺野字 如何蓮社

缺蓮社二字 伯言 失快游杖快誤 試約 缺約字 土參何必與天鄰

缺土參天三字

案金石萃編載此詩多缺字又脫去伯吉二字今據
 零陵縣志補入又志奉呈作奉和惠照作惠州世
 設作世路煙霞作煙蘿色作足何如作如何杖游作
 快游茆茨作茆廬無三顧作如三顧 惠照縣志照
 誤州煙蘿作霞誤濯色縣志作足誤如何作何如誤
 快游快誤杖茆茨縣志作廬誤無三顧縣志無作如
 誤試約作共誤土參石刻不作幽嵐湖南通志
 伯言二字省筆并書實似吉字以前八分款始能斷
 其為伯言近人省筆連書兩字名蓋有濫觴矣金石審
 萃補缺誤補正如右通志除校補外尚有訛字如

歸作懷排作懸野作濯蓮社作導往伯言作伯吉
皆是永志歸排濯蓮社誤與通志同又快作杖約
作共土參作幽嵐均誤土參二字殊不可解然決
非幽嵐也姑從瞿氏又刻翠珉之刻似是刻字

孫仲益題名

高一尺六寸廣四尺六寸十
行行四字字徑三寸許行書

孫仲益北歸過零陵太守趙君宰置酒于淡山與時昌

辰李師武王子欽同集紹興甲寅十月廿九日

案右刻見零陵縣宗志云大書橫巖壁極似海岳

湖南

通志

于淡省府志均作於澹甲寅為紹興四年案臨桂

伏波岩有孫仲益題名在此前八日蓋去桂時所
題也未得拓本

董弁題名

紹興五年
萃編已載

丁卯

石刻如此蓋卯之
譌王氏竟改作卯

右董令升題名首云青社董令升罷官廣西還過零
陵令升名弁徽猷閣待制迨之子兩世皆有文學令
升以不肯禁程氏學被黜亦南渡人士之卓卓可稱
者而史不為立傳不知其在廣西何職也未題紹興
乙卯歲三月戊寅依篆體卯即酉字而紹興紀號世
二年間不值乙酉歲當是紹興五年乙卯卯篆形

相似摹刻時容有差譌爾攷李心傳繫年要錄紹興六年奔自起居舍人遷中書舍人兼權禮部侍郎七年正月以集英殿修撰知衢州五月改提舉江州太平觀閏十月轉徽猷閣待制知嚴州以殿中侍御史周葵論劾落職與宮觀廿二年復以徽猷閣待制提舉台州崇道觀尋落職廿六年以左中大夫知婺州卅二年提舉洪州玉隆觀引年告老詔復敷文閣待制復爲言者所論降集英殿修撰然則孝宗隆興乙酉在令升告老後三年無緣遠官嶺外此題名爲紹興五年可無疑也據繫年錄紹興五年閏二月有廣

西提點刑獄事董彝名與碑稱罷官廣西相合故定

以為鑄刻之譌

潛研堂金石文跋尾續

董令升題名有云千文真蹟余家所藏嘗刻石鄉里

攷胡仔漁隱叢話云藏真千字文真蹟舊蓄於江南

李氏紙尾有後主錯金書題云懷素僧艸聖戴叔倫

詩云詭形怪石翻合宜誠哉是言其後此真蹟又轉

蓄於董令升家紹興間歸天上矣

古泉山館金石文編

又蹟萃編作跡省府志同跡乃俗字不可以作篆

體臧藏本字志作藏亦非

張昭遠等喜雨詩

高二尺六寸廣一尺八寸二截俱十四行行字不等下截字較小俱

行書

試將丹懇□青霄還話田疇萬里焦不是湫龍解興雨
元來滴々自心苗

禱早何妨抵死求分明在處有神湫只消一念精誠格
立使風雷布九州

幽谷從來分外清那堪雨過月華新行將高謝浮名事
卜築巖旁効子真

零陵不雨澹崑長老思公率寺僧禱於巖中獲應喜
甚賦頌索僕爲和之紹興戊午七月旦日茅山居士

張昭遠書

頌上澹崑長老 口遠 謹封以上上截

熇之炎威遍野飄流金爍石土山焦精誠不作軒雷轉

孰與人間濟槁苗

救旱無方種之求老龍誰識隱崑湫茅山居士興慈願

一叱風雲四口州

衲子相逢競喜忻應期甘雨一番新了知潤物無窮意

祇在維摩此念真

紹興八年戊午零陵夏旱公私百種請求而陽威益

熾也 宮使徽猷一日避暑山口口物焦勞遂運慈

心飯僧持呪禱于崑中龍王口期而應槁苗再活遠

近忻幸是知精誠感格非偶然矣了思山林野人不
量鄙陋述偈三章以勤稱 慶伏蒙召顧曲垂

光和詞華墨妙豈敢覆藏謹刊崖壁庶傳悠久而了
思之謬偈故無所取抑且鐫于右尾其猶蠅驥之附
也是年中秋日佳□□□了思題

右刻通志永志俱失載青霄上似旋字子真之子
又似正字藏謹二字注於右旁當是石泐之後後
人補刊者戊午爲紹興八年張昭遠稱宮使徽猷
疑是謫居於此者

張昭遠衲襖頌 高一尺四寸廣二尺七寸廿行行字不等行書

只遮百破衲襖價直碑礫碼礪假饒天地崩壞其奈長
生不老有時聊用蒙頭萬事樸滅如火有時憑它蔽身
忘却寒暑侵惱日用縱橫莫測俗漢怎生尋討賴有多
口全公不惜眉毛傾倒雖然句句渺庶纖軒知己踏長
安道又被鹿門老作家執筆翻然爲一掃字畫酋勁逼
羲之展開燦爛同日杲知師端是箇中人故將分付君
宜寶

澹崑思老曩在鹿門燈禪師會下燈公愛其踈財重
義故書全大道衲襖歌遺之比因遊崑思出燈書相
示索僕爲頌謾作古風以贈焉紹興己未廣溪茅山

居士書

宮使 徽猷張公衲襖頌

住持傳法沙門 惠上石

右刻行書十八行後款二行字近聖教序鹿門燈禪
師名法燈字傳照成都人見釋惠洪所撰塔銘茅山
居士深於禪悅殆無盡之流其名俟攷 案道古作
道或从酋此竟作酋省書不可通金石審

通志失載永志誤謾為謬誤了為永並缺馬字茅
山居士即宮使徽猷張公昭遠宗氏以為無盡之
流者未見喜雨一刻耳此刻字體涉山野氣宗氏

謂近聖教非所敢知也

張滉詩

高四尺四寸五分廣四尺八行行八字字徑四寸許行書又小字二行正書橫額題徽猷

張公留題澹巖八字字長徑四寸四五分篆書

偷閑切欲訪巖扃恍若桃源洞裏春平世自無憂 國

事徘徊愁見避秦人

昔周處士避地崑中

天然一穴透融光廣潤

能容萬頃篁翻念塵寰苦炎熱人人付與一襟涼

紹興十五年十月口日門生右修職郎永州

零陵縣令主管學事勸農公事李發立石

右朝奉郎直徽猷閣權發遣永州軍州事

張滉書

右張滉詩刻省府志俱失載張滉知永州省府志
列端平年趙希楸之後李發令零陵列慶元年彭
從虎之後均誤李發吉水人

趙士圃妻曹氏誥詞

高四尺一寸廣二尺四寸四周
花紋分三截上截橫列誥詞二

字徑四寸上及左右俱花紋中截高一尺一寸五
分廿行行十字字徑八九分正書下截一尺一寸
六分小正書
字徑五分

勅衛共伯之婦猶有取於柏舟辟司徒之妻亦或封之

石窳矧茲懿德屬在近支義既

著

於有家恩豈均於從

爵從義郎不怠母左監門衛大將軍士圃妻曹氏承芳

后族媿德宗盟流離兵革之餘確守閨門之操事姑盡

其孝道賴爾安全愛子教以義方使之奮立是皆有古
 女師之風□可以為今宗婦之表儀嘉賢嗣之肖家□
 □□之□□□□郡遂開湯沐之封□□□□賁
 笄珈之服往承□□□□淑□□特封□□郡夫人奉
 勅如右□到□行

紹興二十七年四月二十四日

淡山岩中舊刻宋末宗室貞婦紀事駢文首四句云
 衛共姜之婦曾見美於柏舟辟司徒之妻亦獲封於
 石窳高懷祺介亭少時曾手搦其文介亭之弟為余
 追述惜忘其姓氏及後見介亭為周之駿室節婦李

氏請旌首聯卽用此四語也

湘僑聞見偶記

右趙士圃妻曹氏誥詞寄刻澹岩通志失採永志據湘僑聞見偶記以爲宋末人誤矣猶有取作曾見美或封之作獲封於亦誤石作碑形上圓下方分三截上截橫列誥詞二篆字中截勅下截剝蝕已甚約卅餘行行約十八字徑五分許可辨者寥寥數字竟無一句成讀不能錄矣當令工人再洗拓之或可得其大概也趙不憇時爲永州通判故鐫於此案史不憇字仁仲曾祖宗暉父士圃北遷遙拜集慶軍節度使史又云不憇方七歲每思慕

泣涕既長力學母曹氏問之對曰君父讐未報非
敢志富貴也登進士調金華丞治豪何汝翼編配
他州邑人惴服法當超秩請回授其母故事止封
令人高宗嘉其志特封郡夫人此刻誥詞卽其事
也史又云除不怠永州通判損民輸米倍收之數
辨靖州冤獄數百人人德之繪像以祠是不怠在
湘亦卓有政績有賢母必有賢子信然也其後擢
開州轉夔州運判改成都路已而攝制司大破吐
蕃超授右監門衛大將軍惠州防禦使知大宗正
事進明州觀察使招慶軍承宣使卒贈開府儀同

三司封崇國公不憚爲太宗五世孫故云近支其
稱后族者蓋是仁宗后曹氏之族至所謂流離兵
革者靖康之難士圃北走也

吕行中題名 高一尺四寸廣二寸四行
行三十字字徑四分正書

右

判府左史狀元王公題名

英遊勝跡與山谷先生相望而蕙微自有此山以來不

知有此一段奇否 行中得以職從邁挂名左方以託不

腐非 幸歟右從□郎零 陵縣令吕行中謹書

右刻小真書四行爲陳梅所題名所掩乃惡僧彌昌

所磨贖者此後尙有小真書僅贖張錢數字餘盡磨去王宣子題名尙存紹興已三字依稀可辨蓋亦小真書也行中良吏不腐固宜獨不爲宣子留方尺地

乎金石審

右呂行中題名石本有殘泐處據永志補注於旁呂行中字聖與東平人紹興廿九年任零陵令王佐爲之建種愛堂楊誠齋爲之撰記有云呂行中東平人宰零陵民有扞格而險健者諭以禍福使幡然徙義租賦之非常者悉蠲除之是良吏也其後內召誠齋復以詩送之判府左史狀元王公者

卽佐也時知永州軍事永志云王宣子題名尙存

紹興已三字此本失拓

黃彪禱晴題名

高三尺九寸廣一尺三寸五分四行行十三字行書左行

郡守黃彪禱晴于順成侯廟祀事畢天宇廓然因至澹

巖觀二父遺刻感歎久之時乾道己丑十一月二日男

倓祿澹榮學楷鑿繼來

右刻行書四行案柳昭昭畢若卿題名禱雨零陵王

楊英甫題名祠零陵王蓋公愿題名祀靈顯曹季明

題名祀靈顯應惠侯而此又作祀順成侯或云所祀

乃龍神亦聞卽唐刺史昌圖之祠所舉四朝封號有

異同耳未知孰是也

金石審

右刻通志失載文云觀二父遺刻者一指山谷詩

一指宣和壬寅謏詩題刻也江西通志黃霽字彪

甫臨川人慎於用刑子犖官至大府卿孫堦知肇

慶府己丑為乾道五年

黃概題名

高二尺廣一尺三行行七八字字徑一寸七八分正書

武夷黃概器之乾道九年四月隨侍父以計事行郡來

游

右刻在劉董題名之右文云隨侍父以計事行郡

則其父當官湖南提刑者而通志職官孝宗朝姓

黃者只有黃洵為轉運判官黃衡為提舉常平俱
非提刑案朱子撰黃洵墓志有被旨按行諸郡入
畚陵界云云疑即其人惟洵為建甯人與所稱武
夷不合又高宗朝有黃彥平為湖南提點刑獄未
知孰是

潘時等題名

高三尺七寸二分廣二尺三寸三分
行行存八字字徑四寸七分

金華潘時開封王寅

下

王遵蘭溪邵夢祥同

下

瀆熙乙

已春三月下

下

右刻通志永志俱失載潘時字德鄜由提舉荆湖
北路常平茶鹽改南路提點刑獄後知廣州復知

潭州安撫湖南嘗平反誣盜梁晚四寃見朱子所撰墓志王遵以淳熙九年判永州載永志官表乙已為淳熙十二年

滕瑱題名

高二尺廣一尺一寸二行
行五字字徑三寸許行書

楚村拙逸滕瑱伯真父

通志永志俱失載通志職官滕瑱於孝宗朝令平江光宗朝令宜章又宜章有滕瑱觀稼和仲權詩鐫於野石巖厓上係紹熙二年所作此刻不著年月姑附於光宗末

張釜詩

高二尺廣四尺四寸三分十
七行行十字字徑二寸分書

丹楊張釜以使事經從零陵同郡太守徐枏主管僊
都觀□燧來逆釜借用山谷先生韻紹熙壬子中爍
廿有八日

澹巖類古隱君子一見可洗千劫塵清曠信出世閒境
經行如畫圖中人幽泉涓涓不礙墜靈草苒苒非閱春
題詩回簪□逆子冷眼閱盡惟唐珉

眞僊窟宅在人境應有鸞駕乘雲歸物舉翬見訝三島
墜脰遠來從九疑有石可礪食壁齒有阜可濯凝塵衣
清逆未足鷄報午一尊會合人生希

八分書十七行詩字俱秀勁鉗愁平子當是道士名

號也攷宋史張綱傳綱潤州丹陽人紹興二十年參
知政事以資政殿學士致仕卒諡文定汪應辰論駁
之孫釜再請特諡章簡樓攻媿外制集廣西運判張
釜直祕閣知廣州制云紹興舊弼之孫以家學登世
科湖湘明歛散之宜廣右謹將輸之要蓋釜先提舉
湖南常平調廣西此云使事殆倉政也綱傳未附載
釜慶元閒爲諫官力排道學諸賢累官至簽書樞密
院事則其人華而不實者矣

金石
審

通志失載官志亦漏徐枏名永志所載多誤經從
零陵脫從字燧誤作慙來送誤作平子且爲之說

曰鉗愁平子當是道士名號謬矣僭誤作借經行
如畫誤作遊行如置幽誤作山矸墜誤作礙墜真
僊窟宅脫窟宅二字墜豚誤作墜鷄作雞壬子
爲紹熙三年

洪彥華詩 高一尺三寸廣一尺九寸五分十七
行行十四五字字徑六分行書左行

淡巖紀遊 嚴陵洪彥華牀炳

聞說淡巖天 下 稀乘閑得得叩巖扉中虛上透真竒觀

□□□□悟機 右一

朝陽巖自次山顯鉈鉈潭由子厚彰山水得人名始重

不元不柳□逢黃 右二

辟秦人去幾千年介右于今尙塊然指广載魚行播

争如流水亦稱賢

右三

暗巖別是洞中天石曰石碁仍石田因言巖局知命戒

貪□□□復言旋

右四

老僧持鉢傍山門古寺蕭然一味清骨相山林非富貴

不應曾有訓狐鳴

右五

紹熙甲寅重九前二日住山祖傳立石

詩七律五首正書十七行已爲景定甲子文子璋刻

詩其上故字蹟不完不能全錄

湖南通志校補

右刻五首左行字爲文子璋詩所拓讀竟不能成篇

惜哉金石審

右洪彥華詩書刻俱劣省府志均未載詩通志以爲七律并脫晒字永志改叔晒二字爲題字尤非甲寅爲紹熙五年洪彥華又見王俊題名署銜教官後甯宗朝知武岡軍見真西山薦及狀樓攻媿

外制集

徐嗇題名萃編已錄

右刻正書四行先零陵以洪叔謂曹洪叔誤列熙甯王司寇誤置嘉祐辛丑之後不知何見今始得而正

之金石審

通志沿革編之誤亦列嘉祐宜改正焉叔昞洪彥
華字見前永志列王俊題名後從之徐嗇宜黃人
淳熙二年詹駉榜進士

俞澂詩

高五尺八寸廣三尺四寸九行
行十五字字徑三寸許行書

吳興俞澂子清以職事行郡至零陵訪澹巖解后
莆田翁黈沂伯金華蔣用之子先少憇觀覽因賦
此詩慶元三年四月二十有一日

傳聞此地稀來爲細搜竒眩眼珠泉滴擡頭玉乳垂虛
明天廣大重疊石參差坐久衣襟潤聲翻笑語隨幽深
多怪巧高下復委迤歷覽徵君跡難酬太史詩自然千

古意形詠蕪詞

右行書九行學朱巨川告身而頽放過之不入書格
案樓鑰外制集俞澂知常德府誥詞有云有公廉之
操得溫厚之稱則其賢可知此云行郡則此時必已

遷憲副使矣

金石
審

右俞澂詩通志失載永志復委迤誤作複透迤徵
君誤作仙君案俞澂知常德府在光宗朝其遷擢
志不及詳蔣用之時爲永州推官志不詳里貫據
此知爲金華人翁點當亦官於永者而省府志俱
不載

淡岳二篆字

字長四尺三寸廣三尺二寸篆書旁款各一行行字不一字徑二寸五分許行

書

淡岳

慶元己未重陽永州通判徐大節篆

此右款

零陵令王淮上石

此左款

澹山巖洞門外上鐫篆書淡岩二大字長丈許旁題

慶元己未重陽日通判永州徐大節書邑令王淮刊

古泉山館
金石文編

永志載此重陽下多日字脫永州二字節下脫篆

字淮下作刊字蓋以瞿氏跋語為碑文而又脫永

州二字也兩家均未見拓本已未爲慶元五年徐

大節通志誤作推官王淮見朝陽柳岩題刻

徐綦題名

高一尺一寸九分廣七寸二分
五行行九字字徑寸許正書

歷陽徐綦宜伯貳郡春陵被 憲檄之長沙道由淡巖

艤舟登覽勝槩而去時嘉泰癸亥五月十有一日 □

寺僧致瑄上石

此七字較小

右正書五行題刻皆劣

金石審

右徐綦題名通志失載永志缺勝槩二字寺僧上

尚有一字亦失空一格徐綦名省府志官表俱不

載宗氏既見此刻不據以補入官表何也

孫介宗題名

高一尺八寸廣一尺四寸八行行字不等行書

晉陵孫介宗光裔來守春陵之明年引年休官得請還

家淡巖知名尚矣艤舟縱遊一覽勝槩遂欲忘歸男君

陳孫繼曾晞曾象曾憲曾侍行嘉泰甲子正月三日

□門住山致瑄立石

此行小字

行書八行極似平原鹿脯帖

金石審

通志失載孫介宗常州人甯宗朝知道州見通志

永志官表云嘉泰二年任與此正合甲子為嘉泰

四年永志載此勝既誤作勝景并脫立石一行

佚名詩

高一尺二寸廣九寸五分七分七行字不等又立石款一行行書

□□比遊淡巖因成一詩敢用拜

呈右

行盡瀟湘山復山掣舟來扣淡巖闕幽深雖與塵寰隔

空闊猶容俗駕攀是處名山有巖竇莫如此地最寬閑

真人仙去知何在陳迹空留警世頑崑有許真君石床修道處極高峻

住山 磬立石

右行書八行字數參差用筆山野似方外人所為石金

審

通志失載知何在永志知誤作如注內修道二字

誤作坐此刻無年月人名亦佚立石者為致瑄與

前刻同即系於此

臧辛伯詩殘刻

廣二尺四寸高不計入行行存五字末行八字字徑二寸許正書

嘉定甲戌

下缺六字

十六字以

下缺六字

辛伯書侍行

下缺

元柳搜奇

下缺六字

詩傳眼看巖

下缺六字

明却有天

涵

下缺六字

藤穿壁鎖晴

下缺七字

古望斷飛鴻夕照邊

此刻正書八行行十二字其下半截為咸淳乙丑王

亞夫等磨刻題名故文不全其姓名并不可攷後五

行七律詩一首也

古泉山館金石文編

右刻行書八行其文半為王亞夫磨去可惜案省志

官表有甯宗時通判永州臧辛伯殆即此人也

金石審

右刻正書永志誤作行書十六字三字誤刊在小
注內巖通志誤作峯溜卽溜字省府志均誤作滔
永志并作滔滔大誤此字與下句藤字爲對也晴
永志誤作暗夕照二字省府志均缺通志并缺邊
字甲戌爲嘉定七年

易祓詞 高二尺三寸廣二尺上截十五行行十字至
十三字字徑寸許行書下截十三行行十六
至十八字不等
字徑五分正書

祓奉陪

判府

府判諸丈爲淡巖之游回視融之仙巖全之確巖

殆相長雄使被向不以罪斥則安知天下有此清

勝謹以小詞紀其實被皇恐再拜

自古清勝地江帶與山簪夸娥擘此石罅不獨嶺之南

初見仙巖第一再見礪巖第二今見淡巖三邱壑皆有

今品第不須談望前驅陪後乘破晴嵐出城一舍而

近峭壁與天叅不使塵埃浣脚忽覺煙雲對面鶴馭可

同驂杖履從歸去此樂湘潭以上截

晉羊叔子嘗登峴山言詠終日慨然興自有宇宙便有

此山之嘆中郎鄒湛謂公聞望必與此山俱傳是知山

川顯晦有時因人而重仙礪二巖以

侍讀直院尙書易公發揮於吟眺之餘遂增融全之勝
零陵淡巖元柳搜竒未之見也黃太史足跡一到詩句
流人間而天下稀之名始著今茲

星履經從訪古歌以水調大書同遊以壯泉石太史聲
名相爲輝映豈偶然耶暉輩獲陪杖屨敬鑱之翠珉以
爲巖洞之光云嘉定丙子夏六月下澣朝請郎權知永
州軍州事沈暉跋奉議郎權通判永州軍州事呂昭亮
書以上
下截

右刻通志永志俱失載易祓見浯溪詩跋沈暉以
嘉定九年知永州呂昭亮以嘉定八年判永州見

永志丙子為嘉定九年也沈暉沈千之曾孫即刻
 元祐黨籍碑於融縣者彼刻云嘉定辛未八月既
 望朝奉郎權知融州軍州兼管內勸農事古雲沈
 暉在此前五年蓋由融州量移永州者呂昭亮呂
 頤浩之孫嘗刻高宗手札係嘉定十四年刻其署
 銜云朝散郎行司農寺丞當即由永判內擢者

留筠詩嘉定十年
萃編已錄

祥徇誤作
徇徇

案右刻係行書字徑二寸餘骨氣雄強用筆似山谷

金石
審

永志亦作徜徉行郡省府志均誤作行部

呂昭亮跋高廣不計存廿二行行十字字徑四分正書

前關□□□山之名□天下要自天地開闢而巖竇竒觀

已出諸神剗鬼琢之巧疑非因人而□也□浯溪石崖

天齊之名必俟元次山刻題而顯繼得山谷老人題詠

而重是不亦因人而名耶若永州淡巖之名何以異於

是□□□□深窈明潔竒偉始散輝於山谷天下稀之

句至是

綸使郎中先生留公又以篇章之妙翰墨之工光賁洞

穴繇此知茲巖勝槩因山谷題品於前而名始彰復因

我

公題品於後而名益揚何其幸歟用是□敬以

公之詩刻之石為巖扃重云嘉定戊寅二月初吉□議

郎權通判永州軍州□州事呂號謹書

右小真書二十一行名用并書法幾不可辨景定劉

錫八分書蓋其上幸未磨去猶可見也留郎中當指

留筠昭遠後知武岡軍見省志官表金石審

右刻為劉錫題名所掩寰宇訪碑錄載劉錫題名

云舊有嘉定戊寅呂□正書劉書即刻其上此即

是也戊寅為嘉定十年萃編亦載劉錫題名則見

此拓本矣而不及是刻未免疏漏至通志之失載
或未見拓本耳永志載此闕譌甚多石本可見者
廿二行前似尙有一行而誤作廿一行出諸神剋
鬼琢脫諸字缺琢字琢字尙可辨也疑非因人而
□也而□誤作之力□浯溪石崖天齊之名此崕
臺銘中語崖誤作與且以浯溪上所闕之字次於
浯溪之下必俟元次山必誤作以俟字亦隱約可
辨不亦因人而名耶缺亦因名耶四字何以異於
是缺異字并誤是爲山深窈明潔奇偉缺潔奇二
字并誤窈爲甯至是缺至字公題品於後脫於後

二字其幸上志作不審之似何字敬上似是昭亮
二字姑從其闕嘉定上脫云字初吉誤作之吉議
上所缺當是奉字軍州下志作攝而均無一筆存
矣呂君之名志作昭遠審之似是昭亮以易尙書
詩跋證之其爲昭亮可無疑也呂昭亮刻留筠詩
而并刻此跋知留筠詩作於丁丑而實刻於戊寅
永志標題云呂昭遠題名亦未得實文明云以公
之詩刻於石宗氏豈未全讀邪

王枏題名

高一尺七寸廣四寸二行
行十字字徑寸餘正書

通守王枏仲方攜家來遊嘉定己卯三月二十六日

右刻行書二行在鞏辨叔題名之右金石

通志失載石刻正書頗有唐人筆意宗氏誤以為

行書

董與幾詩

高一尺八寸廣一尺三寸七行行十一
十二字不等字徑八九分行書

厥初誰剖混沌殼光明僅透天一握龍門鑿斷工有餘

劉劃巉巖開灑落我来沆碣千厓高溜雨萬丈聲蕭騷

巖上風煙巖下水曉尋丹竈夜漁舸

嘉定十二年重九日鄱陽董與幾書同游開封斛

逮

右刻通志永志均失載永志官表董與幾知道州

嘉定十一年任通志職官并漏其名斛姓見姓氏
急就篇北齊有斛子慎又宋有斛繼善紹興間判
汀州事見萬姓統譜

住山僧某題名 高一尺四寸廣一尺
六行行字不等行書

乙酉季冬來尸茲山越明年秋有同道寶岳普濟上座
相過數月禪宴之餘徜徉□斯無或少厭時寶慶丙戌
冬

住山不 下缺

右刻通志永志均失載

高惟月詞 七行行十六字字徑二寸
四五分正書 萃編已錄

巖扃不鎖筭空洞深窈是誰初鑿帝遣六丁持月斧亂
把雲根鑿劓駭目竒觀恍如崩浪洶湧從天落謫僊何
處翠珉佳句如昨 惆悵白首重遊多情還似與青
山有約且對清尊釀勝賞休想舞衣歌樂景物依然頭
顱如許何事嗟漂泊翩翩歸興故山無限林壑

是刻當是寶慶丙戌零陵縣宗志載其詞云王昶拓

本未全

湖南通志

案此刻石勢微分兩截故拓本每不連接其字則學

東坡而無其魄力者

金石審

萃編僅錄後款未載其詞據石補之永志錄詞於

款之後亦非又廿九二志均作二十九誤慶元戊
午後廿九年是寶慶二年丁亥也宗氏以為丙戌
亦誤

盧世甯等題名并袁鎮詩

高二尺五寸廣二尺三寸
前題名六行行十二三

字字徑一寸四五分中小字五分行字徑五
分後詩四行行十四字字徑寸許俱正書

聖宋紹定四年辛卯歲九月中旬東陽盧世甯子安偕

永陵袁鎮安之周珙國寶因送住山窠公重領院事再

遊斯崑遍覽山谷群公題品徜徉終日塵襟頓清臨

風分袂書此以記歲月

鎮偶得二絕句併

呈

諸丈就煩匠者刻之斯崑

同志者幸

勿我哂口

鎮呈

誰道靈仙擘石開

右一

天然瓊室與瑤臺

涪翁句裏曾相識

右二

料想煙霞許我來

石門定與玉京連

曾著方壺不老仙

猶有當年丹竈在

空崑寂寂鎖寒煙

右盧世甯題名并袁鎮詩前人未見宋古文實字

見玉篇旬裏當是句裏之誤而石刻實是旬字案

通志有東陽厲知常德府疑是東陽盧世甯之誤
猶王邦傑官路分而誤以傑路分爲人名也

衛樵等題名

高二尺一寸廣一尺八寸七
行行八字字徑二寸許正書

紹定壬辰二月既望郡守中吳衛樵山甫通守四明魏
岨居甫偕推官權零陵縣事上饒余銳子允校官王
簡夫以勸農來樵謹書

右刻正書七行似柳誠懸

金石
審

湖南通志職官魏岨誤作琚余銳誤作銳

衛樵詩

高三尺四寸廣二尺七寸八行
行十字字徑二寸五分正書

嵌巖洞谷到曾多無柰冥搜暗索何此颯雲穿風月透

短筇渾不待捫蘿

慚愧州家一事無薄游還愛小

蓬壺若憑妙筆丹青寫應勝從來八景圖

紹定祭

已五月既望郡守中吳衛樵山甫題 口門僧住山了

綠立石此行小字

正書八行金石審

通志未錄其文永志漏載立石一行

郭三聘詩紹定六年萃編己錄

未幾三先達幾誤作成

通志亦誤作成吉兆齊確許齊省府志俱誤作齋

唐可大等題名高二尺三寸廣二尺七寸二行行三字字徑六分餘正書

唐可大樂成之

右並刻正書六字大五寸許案後紹定時郭三聘偕唐可大題名有三十年前重遊之語樂成之疑樂韶之字此外當尙有同遊姓名計必在開禧初年也金審

右刻無年月在文起傳詩之上通志未載永志列開禧初今附紹定六年郭三聘詩之後以唐可大名見於前刻也案楚紀樂韶字成之零陵人穎悟絕人讀書五行俱下十歲能屬文弱冠登第授桃源尉宗氏謂成之爲樂韶之字可謂億中矣楚紀

又云唐容零陵人與唐麟樂韶共學人稱三傑舉
進士爲豐城令尋知邕州疑可大即唐容之字未
審能億中否

王淦題名

嘉熙二年二月十七日

萃編己錄

中書

中作

困衛

衛作道

案王淦字淵道臨海人秦國公之望孫也紹興五年
以恩補官魏了翁薦知衡陽縣多善政見浙江通志
題名稱字曰困衛困古文淵衛古文道姓名與字俱
合似即一人惟據金石萃編以卻塵爲號則王淦當
爲湖北之襄陽人並非浙江之臨海人又紹興五年

至嘉熙二年相距百餘年時代亦不合豈浙江通志

所載有誤或另是一人歟

古泉山館
金石文編

案此卻塵困道與習隱聖鄰皆一人上下書兩號當

是祖貫襄陽南渡居浙者浙志紹興必紹熙之譌自

當爲一人也淦好用古字而陽字從易則說文所非

然漢韓勅碑兩用之不得謂無本矣

金石
審

中書之中省府志所載亦然案兩浙金石志載有

永州通判王淦墓志在臨海南鄉白巖寺其略云

公諱淦字困道姓王氏曾祖綱通判徽州贈少傅

祖之望資政殿大學士贈太師秦國公諡敏肅考

鈔敏肅公第五子也繇監牧遷總餉厯官直祕閣
太府卿公以紹熙五年郊霈恩補官後以舉主及
格改知衡陽縣政聲既著輿誦攸歸適永口闕倅
遂以公奏辟驥足方展遽得疾而卒實嘉熙丁酉
六月十日也據此知浙志紹興確係紹熙之譌瞿
氏疑爲別一人者非也此題名正在判永之時不
數月而卒矣其自題襄陽者兩浙金石志跋引洪
筠軒云嘉定赤城志王之望襄陽人字瞻叔紹興
初寓臨海宗氏謂祖貫襄陽南渡居浙者不誤矣
其自題卻塵者墓志又云胷次坦蕩自號卻塵暇

日飲酒舒暢吟詠聯篇有卻塵集數卷是困道為
初字卻塵為後來自號也省府志不載其為衡陽
縣永州通判可補之墓志載其衡陽政蹟有平反

枉獄及平高垓峒寇等事宜於名宦中立傳焉

張□之跋曾宏正詩

高一尺二寸五分廣二尺四寸
廿五行行十六字字徑五分餘

又監工人名
一行正書

巖以淡名郡志謂古有不鹽食老人處其下稱淡氏因
以名巖茫昧難信至云秦人周正實辟世之地理或有

之意

其欲深絕

人世

□塵故名

淡耳山

谷

題詩云去城

廿五里

近天

與

隔盡俗子塵巖雖竒初無聲色臭味可

以娛悅人耳目鼻□故俗子罕到俗子安足計自秦以

來千數百年中間元次山柳子厚搜抉佳山水幾徧而

此巖獨不及其淡可知得山谷□言始顯然竟坐去城

相遠郡雖當舟車往來通道士大夫非酷者幽趣者鮮

肯輟程訪焉今都運□□曾公先生以湘臺易節

八桂道經□□□轡赫奕之秋乃肯解轡淹辰訪□

□於俗子罕到之地可□與世俗異好矣古之高人勝

士聞見固有不齊然皆山林之味勝於市朝故吐為文

詞發為事業拔出□俗遠甚味公兩詩清幽閑雅淡

□不華與巖相似持是以廉一道其能激濁揚清獎靜

銷躁化 □俗而古之無疑矣山川以人重 公江西人

先朝 忠節公子 忠節慶元間以學禁去嘉定

更化累詔不就天下高之 公風節是似所以重此巖

者不獨以詩也淳祐壬寅良月既望門生從事郎知永

州零陵縣主管勸農公事兼弓手寨兵軍正張□之謹

跋

住持僧仁□監工 毛尙刊

右張□之跋曾宏正詩前人未見張令名似是中

之而省府志職官均不載姑從其闕曾公不詳其

名以湘臺易節八桂及江西人先朝忠節公子二

語攷之知爲宏正也忠節者三聘之謚宏正之父也宏正以湖南提刑調廣西運使此其入桂時經過所題詩也詩已爲明人劉養仕全行磨去矣間有一二筆蹤乃是篆文甚可惜也宏正又有浯溪詩刻卽是年季秋所題此刻在十月計是年當抵桂林其曾孫天驥跋水月洞詞刻云癸卯調廣西運使微有舛錯瞿氏浯溪詩跋因謂二年壬寅正官湖南提刑逾年去任則誤矣又案跋內有忠節慶元間以學禁去云則史傳所未及傳云侂冑指爲趙汝愚腹心坐追兩官與祠與所云以學禁去

者不符傳又云尋差知郴州提點廣西湖北刑獄
皆辭不赴跋所稱累詔不就者即此

趙與泳詩

高一尺三寸廣四尺四寸廿三行
行七字字徑寸餘正書間步行筆

玲瓏巖竅高倚空霧靄山巔氣鬱葱征途倍喜憩美蔭

石室况乃來清風屈曲兩門最虛敞不斤不斧誰施工

眼高城郭喧囂外詩在煙雲縹渺中我来情思良不惡

盡洗朱墨塵埃胷惜哉距城稍遼邈歸鞭未着心冲冲

天開地闢此巖峒山谷品題名始穹安能廣作萬間屋

震凌風雨皆併幪

麥秋劭農隨侍郡侯杖屨獲遂澹巖一遊浪吟古句

聊誌歲月瀆祐乙巳八月下澣郡佐趙與詠題 住

山元秀上石

此六字徑五分

右刻行書二十二行其文如憩上從甘蔭下從長鬣
中從貢忡忡作冲冲皆俗誤也

金石審

右趙與詠詩通志失載永志不斤誤作天斤又缺

上石六字并誤以廿三行爲廿二行其餘筆畫微

譌可勿計也趙與詠永州通判瀆祐二年任宗氏

跋其羣玉山詩云宋宗室表有與詠此從水旁必

史文誤也乙巳爲瀆祐五年麥秋劭農何以在八

月竣再考

高不儔題名

高二尺廣二尺五寸十行行十
一字字徑一寸五分許正書

蒙城高不儔壽卿淳八戊冬領春陵郡淳十戌春丐祠
得俞季秋望後三日道經澹岳艤舟岸下登山入洞瞭
然一鏡歷覽竒觀以快曠曠方而豁然涪翁所謂淡巖
天下稀之句昔聞而今見之亦自謂無負此行時領學
生彥準館人合沙林掀羅夢協借到乃慧明主人元秀
為之領袖云

高不儔案府志表乃淳祐時通守淳八想是淳祐之
八年戌乃歲字之譌十戌當是十歲

零陵縣
宗志

案前高不儔作蔡西山祠記乃淳祐九年則此淳八

戊戌字當是戊字之譌蓋謂淳祐八年戊申也下云
淳十戌者則謂淳祐十年庚戌也宋末人往往有此
等語惟上記天干下記地支似更無謂宗志謂皆歲
字之誤疏矣

湖南通志

案淳八下果係戌字自係誤刻戌爲戊也正書八行

金石審

右高不儔題名瞿氏未見拓本淳八下戊字之中
微有石泐痕與下戌春戌字迥不同宗氏謂淳八
下果係戌字殆護乃翁之短也石刻十行宗氏作
八行亦疏方而豁然而當讀爲如省府志均缺而

字高不傳知道州見職官志府志云淳祐八年任
舊府志以為通守或係遷轉耳恭帝朝又知桂陽

軍

趙立詩

高一尺二寸五分廣三尺七寸
廿八行行十字字徑八分行書

權府帥幹趙公題澹巖

山行

愛殺瀟湘境山行知幾重風輕爍思重雲淡曉陰濃隔
水時呼艇緣崖自策筇巖扃聊問訊把酒欠從容

狐飛狐

肆毒山中誇巨蟒聞經巖下化靈狐不知昨夜飛鳴處

曾報谿翁到此無

山谷碑

長記兒童膝下時便聞山谷澹巖詩江湖老矣瀟湘過
始得摩挲石罅碑

雷神廟

此洞當年本祀雷棟梁見我忽傾摧寺僧爲報山靈說
不用驚疑俗客來

丹爐藥曰

巖中二子已飛僊藥曰丹鑪尙儼然無奈故鄉心正切
未由此地結清緣

石井

酌泉石井喜無涯喜與貪泉隔嶺西况有中秋明夜月
輕舟同載下浯溪

寶祐甲寅秋蔗溪趙立作

住山元秀上石

行書二十八行此刻已據縣志載入今補錄石刻全
文案縣志謂其名世作今趙下止一字已漫漶亦不
似在字其下有作字乃自著作此詩之作並非其名

縣志殊誤

湖南通志校補

右行書二十八行用筆洒落其署名一字獨小而帶

草舊審作立零陵補志審作世而連下一字爲名細
視又似在字今姑仍舊書立字而題但書帥幹以闕

所疑

金石
審

右趙立詩趙下一字省志闕縣志作立非府志作
立當不誤廣西伏波岩有其題名係是年閏六月
所作此詩云江湖老矣瀟湘過云故鄉心正切云
下浯溪盍自桂回家道經永州而題也惜未得伏
波岩拓本一證其官職爲憾史傳有趙立徐州人
仕高宗朝則別一人也縣志以住山爲姪孫殊謬
緣崖之緣通志作經肆毒之肆永志作舞均誤飛

狐上亦是狐字非書寫即刊刻之誤舊縣志作狐固非補志作咏府志作聞皆以意為之而與諸詩標題殊不一律通志刪此一字亦未得實曉陰之陰府志改作光輯詩詞則可錄金石則不可

文有年詩

景定三年四月
萃編已錄

住山應遠上石

此行
失載

陳宗禮詩

景定三年
萃編已錄

生懌悅

字 缺生

通志亦缺云零陵宗志骨相下作全懌悅上作符生二字祥案生字不誤全字僅存一捺符字僅存

上半竹頭未可遽定永志又以竹頭之字爲籌云
義同等或借通傳較符字爲長審金石而出以已
意謬誤必多也緣輕永志誤作緣經其明驗矣陳
宗禮廣昌人瀋祐四年留夢炎榜進士

張遠猷并紹珏詩景定四年
萃編已錄

申秋申作
中簡嚴嚴誤
存紹珏珏誤
瑤

案王蘭泉載此刻末無山僧紹珏等字珏作瑤詩弟
二句簡嚴作簡存並誤金石
審

右張遠猷并紹珏詩萃編及省府志均分爲二刻
非也紹珏刻張詩因題此四語使君即指遠猷耳

石刻猶字作猶此行書之變體可不具論通志誤
 珏為瑤誤巖為存并脫住山一行已於校補內更
 正惟門下仍脫一僧字宗氏乃云王氏末無山僧
 等字誤矣又執誤作執末行僧上脫門字誌作志
 亦未細審

文起傳詩

高九寸廣二尺十一行行
五字字徑一寸二分行書

拭目淡巖景鷲花三月時洞堆鍾乳石林擁梵宮基泉
 瑩宜烹茗崖穹好筆詩勝遊情未倦又促解舟維

果山文起傳泝流省

親來觀勝景

右刻行書十一行在唐可大題名下起傳父子璋官

道州佐不知其爲丞爲倅州志佚之矣

金石
審

右刻不見年月通志失採永志促誤從案萃編載
文子璋詩尾云景定甲子仲冬自道之吉挈家來
遊男起傳道傳侍此刻云泝流省親其時子璋尙
在道州故云泝流也詩有鶯花三月時句蓋在子
璋題刻之前特不審前幾年耳姑從子璋詩附景
定五年

劉錫題名

景定五年十一月
萃編己錄

待瀛溪友

待作
侍

舊有嘉定戊寅呂□正書劉書卽刻其上

寰宇訪
碑錄

待省府志亦作侍分書七行萃編以爲八行者非

陳梅所詩

高一尺廣一尺九寸共五行行九字十字前兩行七字字徑一寸五分又上石一行

六字字徑

五分正書

陳梅所應角軒伯甲子仲冬初七日

天下人知此一巖霜晴杖屨雅宜閑閩峰儘有堪登覽

猿雀多時望客還

住山彌昌上石

右刻正書五行僧款一行即刻呂行中題名之上本

不著年代因在呂後且咸淳乙丑彌昌立石者計當

爲景定甲子也

金石審

右陳梅所等詩永志晴作清登覽作怡處均誤猿

崔作猿鶴亦與石本不合甲子爲景定五年彌昌

見後王亞夫題名

杭一民題名

三行行四字字徑二寸五六分正書帶行筆

汴杭一民咸淳乙丑清和時來

正書三行其上截有曼卿殘字蓋被磨未盡者

金石審

右杭一民題名刻職方外郎趙某題名之上其下

截多半磨去

王亞夫等題名

高一尺六寸廣二尺五行行五字字徑二寸許又立石一行正書

襄陽王亞夫資中郭應酉石泉蹇子炎咸淳乙丑夏閏

六日同來

住持僧彌昌立石

此行小字

案石刻上載為嘉定辛伯殘題名

金石審

永志缺住持二字并誤曰為月蓋承零陵宗志之
譌未見拓本耳乙丑為咸淳元年夏閏者是年閏

五月也王亞夫理宗朝知衡州

趙與訕題名

咸淳五年萃編已錄

與訕

誤刻作岫

住持僧□泰上石

此行失載

上石一行省府志均失載泰上似是祁字

趙□□詩

咸淳八年萃編已錄

淡巖偶成

首行失載九月此下無字

案金石萃編脫首行淡巖偶成四字又以前俞希孟

和盧臧詩題范陽同年示及云云十八字誤綴於此

刻九月下今據零陵縣宗志改正湖南通志

筭省府志作筍永志於趙下註云似德綸二字今

審之僅存一二筆耳

由聖元載題名高廣各七寸二行行三字字徑二寸許年月一行四字字徑寸餘正書左

行

由聖元載同遊 壬申六月

右由聖等題名在王辟強詩後四行之上筆意仿

蘇壬申疑是元祐七年姑附宋末省府志均未載

曹公美等題名高一尺七寸七分廣七寸五分二行行六字字徑二寸餘年月三行行二

字字較小在題
名下左行正書

耒江曹公美許醕老同遊 己卯仲夏望日

右刻正書二行年月書下截作三行金石審

右刻在曾孝雍題名之左通志附宋末永志列元

符二年未知所據今從瞿氏

晉之等題名高二尺廣一尺五寸四
行行六字行書左行

己卯仲夏五日晉之睇仲思道農師允道粹甫君宜遊

此謹題

右行書四行本不著時代惟農師為陸佃號攷佃本
傳以紹聖初元祐史案斥外由海州移蔡州徽宗立

召還未知何以於元符二年嘗至永州疑史有佚文

也金石審

永志列元符二年案姓名相合猶慮別是一人況
僅號之偶同又別無他證而遽以列之元符并疑
為史之佚文恐涉武斷惟此刻確是宋人手筆列
宋末五日通志作二日永志作一日均誤

朱正一詩高二尺三寸廣一尺三寸六行行
字不等字徑一寸五分許行書

祥符朱正一留題澹山巖

秦曾羽客駐真跡唐有禪翁嗣結緣石竇宏深開洞府
天門明顯逗風煙香山聳迹停危壁惟木盤根長絕巔

千古靈蹤誰可問
踟躕瞻想不知還

右刻行書六行漸染米體知其為宋人筆攷宋史朱昂傳其子以正字為派行此當為其族人因錄朱或

而依類附之

金石
審

通志未載永志列元豐間不足為據茲附宋末

萃編卷一百三十載澹山巖題名六十段卷一百

三十五載澹山巖詩詞刻二十四段內張子諒徐

大方兩刻在朝陽巖誤作淡山又卷一百三十載

朱昂等送陳瞻赴任詩亦在澹巖共八十三段茲

復搜得六十二段加以補正廿二段凡九十四段

此外未得見者尚有李建中詩太宗朝王顧奉御

書頌皇祐三年鄒浩詩崇甯間程芾等殘題名年月初一

日王佐題名紹興年覺皇臺三字已佚六段是淡巖

宋刻共一百五十一段焉又案永志載楊萬里一

詩當時曾否刻石別無攷證宗氏以意增入耳

八瓊室金石補正卷九十六

金石錄卷之十一

三
希古樓刊

八瓊室金石補正卷九十七

太倉陸增祥撰

男 繼輝校錄

吳興劉承幹覆校

宋十六

峴山石幢題刻十一段

高六尺六寸四分八面面
廣九寸在襄陽羊公祠

襄陽復羊公祠帖 十行行六十七字字徑
六分正書在弟一面

使帖襄陽縣

准慶祿七年十一月六日中書劄子 襄州奏當州城

南伍里已來有峴山壹所上有古跡碑文數座及有

晉太傅羊祜祠廟此廟□年□□□□守□已□襄

□□□□遶□地土共約伍頃已來先自當州節度

推官□□□□射上件地土充為己業□年□納稅

錢壹伯文自後□□□□□□□□□□人□□

□□□□□□□□□□斫伐樹木淨盡兼從

刀口是州縣顏料將此件山地只出些小稅錢□付

與人並□□□□聞朝廷及申轉運□□指□□□

經理交給□司□□稅錢□□□□□□日中

書劄子奉 旨諸處神廟不得擅行毀拆內

係祀典者如有□□□□□□脩□仍令都□□□

□□□□□□□□□□行者□□□□□□□□

□□□□□官及於襄陽縣簿書內除落稅錢壹伯文

所有古跡晉太傅羊祜廟係□當州□□□□□□

□□□□□□□□□□□□□□□□□□□□□□

□中□劄子奉 聖旨指揮令襄陽縣再行

□勅屋宇每年春秋依諸廟例破係省錢祭祀准□

□□施行勅□□□□□□□□□□人□□上件此山地土

斫伐樹木□□□□□□□□□□□□□□□□朝庭特降

勅命指揮今後不許諸色人請□上件地木斫

伐樹木所貴遵守施行□□專□□ 勅旨內載

聖旨依奏劄付□□准此

右事湏帖襄陽縣限帖到如詳中書劄子內 聖

旨指揮□□據峴山羊公祠廟速此施行勒本城分人

□者□□□切□禁今後不許諸色人等再斫伐□木

仍勅所□疾速採石大字書寫篆刻上件中書劄子壹

本於峴山上安立

□□□年 月 日帖

右襄陽縣帖湖北通志未載全文第一行六日之

六据驛程記補襄州奏當州五字據池北偶談補

之案羊祜傳云襄陽百姓於峴山祜平生遊憩之

所建碑立廟歲時饗祭是羊公祠實始於晉也厥
後興廢未及深攷此因規復祠廟地土奏奉准行
給付使帖并勅刻石是時爲慶厯七年奏請者蓋
卽王洙觀後詩刻可知焉碑云上有古跡碑文數
座攷其時墮淚碑已三易石矣他如胡羆周訪桓
宣諸碑之在峴山者或亦猶在

王洙等峴山詩

刻幢六面面五截共二十九截
十一行行十二字字徑五分正書

峴山詩

尙書工部員外郎直龍圖閣知襄州事王洙

此十七字

行一

襄陽南出大路奔小山曰岷名特尊山形卑墮不峻極
 屹若巨首臨江瀆大山半宮不成霍絕水關左非為壘
 阻巔鼻肩戴危石箕踵曼衍羅芳蓀漢流長驚瀆其足
 東望瀾迤皆平原槎頭下闕罟罾隸蔡洲近眺田園蕃
 何物茲山匪秀出得使今古聞聽喧自昔羊公好登覽
 山名直右第二面 弟一截為賢者存庶門望楚鎮區境鳳林冠
 蓋延山樊丹巖翠壁互幽勝日月虧蔽煙嵐七公胡遺
 彼而樂此談者未始聊詮論吾謂聖遠意超豁高覽便
 欲周乾坤孔登泰山小天下阮升廣武歎豎昏會稽探
 允禹書出之罟望海雲濤翻此中風景亦虛遠極目見

盡江山源東吳未平勞機策置酒嘯詠紓勤煩歎願潤

甫恤躬後俄將百歲游精魂對公右弟三面威德與山弟一截

永正惟湛輩如公言今茲去公僅千載凜然英氣猶軒

軒我來追古一長息舊迹廢毀成悲吞民豪占山童其

木嘉植不得容本根利取樵蘇積和黍粥之陶旅供燒

燔羊公無廟忽不祀但縱淫鬼歆牲絜中亭有碑即墮

淚至今觀者懷仁恩於民何誅不足問非民忘德由官

惜下教里邑復祠字序之祭典躋之元思仁愛樹恭所

焚禁右弟四面上樵伐修壻垣且欲王命得守固騰言弟一截

狀事馳

九閣果聞

天子蒙報可金石款刻垂後昆使民永念古遺愛勗爾

風化常丕散

此行係范

詩標題

此行係范
仲淹銜名

休哉羊叔子輔晉功勲大化行江漢間恩被疆場外中

國倚而安治為天下最開府多英僚置右第五面酒每

高會徘徊臨峴首興言何慷慨此山自古有游者千萬

輩湮滅皆無聞空悲歲月邁公乎仁澤深風采獨不昧

於今墮淚碑觀之益感戴卓有王原林文學偉當代一

麾守襄陽高懷極恬退山姿列雲端江響拂天籟行樂
何逍遙覽古忽感槩不見叔子祠蕪沒民疇內千金贖
故基廟貌重營繪襄人復其祀水旱有攸賴太守一興
善比戶皆右弟六面歡快源於政可歌又留千載愛

奉同襄州龍圖學士復峴山詩

端明殿學士兼翰林侍讀學士尙書禮部侍郎充

集賢殿脩撰知河陽事李淑

此三十字亦一行

峴山如闖襄廬南鉅平躋賞留愛談官邪俗淪祭不屋
君來懷古茵擗慙孤峯嶽嶇漢之曲雲梁月臯萬螺蠹
輕裘四眺風物佳賓客文章歡意促酒酣慨涕邀靈期

金碑揭然民哭遺斧薪弗翦召棠樹蕭鼓相傳樂社祠

使君籍在華光省秩廢諷新刻

右弟七面
弟一截

章請篆楹舄

采神宴娛比故鑱堅詩播永我嘗學史稱君伐

又感先

賢祀無歇德名信與蒼崖俱曠貴紛紛煨壤滅

覽襄陽王龍閣及通判廷平峴山詩因成一絕

給事中知蔡州事吳

育

羊公千載得

清

吟芳迹雖

遼

契昔心更

與

峴山為故事

凜然風格照來今

□□峴山羊公新祠感

右弟二面
弟二截

尚書七田貞外郎知光化軍事李

宗易

此行十五字

泚子祠荒歲已深異時賢守重登臨峴山岑寐瞻風槩
漢水靈長想德音奉

詔始聞新締葺有知那復歎堙沉又刊翠琤留南夏先
浚功名照古今

奉同襄州龍圖復峴山詩

提點河東刑獄尙書祠部員外郎張去惑

此行十六

字

漢江千里清溶溶惟此南夏奠其中因山為城恃險固

一國形右第三面勝何高雄巖然巨首名曰峴獸面

勢尊且崇東扼迅流疑引翼面踣郡阜如盤龍嶽巖峻

拔不可擬絕岸高丈凌長空下闕澄潭迴無際旁睨比

屋幾可封天意造物豈虛設控蠻鎮楚舒隆隆日昔登

憩且非一此山振動惟羊公有志平吳運祕畧竭心衛

晉推元功綏懷遠邇人所服開懇田疇時以豐慨然置

酒迴清曠中郎幕府賢而通語公右弟四面令望高四

海名與斯山永無窮自是綿綿歷歲久閱碑墮淚存遺

蹤亭祠浸壞詎可究山歸民籍木以童前知興衰故有

日覽者嘆憤追無從龍圖王公守茲土修舉廢墜詰初

終感物思人但長息刻章疾置聞

四聰

聖宸動色可其請茲山復興氣象融融大厦捐亭宇

肅肅真像嚴祠宮遂使靈光享血食禁右弟五面樵復

弟二截

祀咨恪恭大抵有功及民物盛德期與天地充今之視

古皆一致休哉千載懷清風

奉同下

缺

太常博士孫抗

天下名山數南國峴首首推襄漢域前年假節使湖外

道出銅鞮一攀陟檀溪西下煙雨繁夢澤南迴雲霧織

絕壁頽巖盡障開陽林雜藹天光逼飄然不減京臺樂

城闕絃歌野耕植借間右弟六面人心誰見思雲來遠

弟二截

底羊公德乃知仁愛與山俱奚用沉碑銜金刻退詢耆

舊訪祠宇遲拜丹青紀聰直佛藍神館鬱相望獨此寐

寡遺盱飾樂公燕國戚藩佐朱邑桐鄉嗇夫職居民立

社中詔嘉撫舊勸來區淑慝指期還臺首章奏立使閔

宮管血食半塗得郡旋治中迴睇鳳林空太息仙郎作

鎮未暮月起廢補亡罄心力予所欲塵下空右弟七面弟二截

黠聰文符一一條其極庚桑畏壘既禋薦魯國靈光亦

顛踏由晉至今更幾秋隼畫干旗熊伏軾但矜文

形勝誰祀賢人思物色公當左□□□只□□徊翔預

倫□漢波平遠山巍然共仰羊王譽充□

奉同前

太子府率致仕李康伯

賢哉西晉鉅平侯刻碑立祠在荊州州民萬家見之者

拚面沈右第二面瀾雙淚下逮今綿厯幾百祀峴山魏

然臨漢水碑鉞祠廢榛莽中蕭蕭只有悲風起內閣深

沈侍從臣赤帷阜蓋來行春殷懃拂碑復祠貌一朝舊

迹重如新山光葱蒨水清冽天長地久無時別古人今

人空茫茫惟是功名不能滅

奉同前

著作郎范微之

各
□
□
□
□
□
坐
□
□
□
□
所
□
□
□
□
□

名
□
所
□
□
□
□
□
□
□
□
□
□
□
□
□

此行係韋詩之標題

大理寺丞韋不伐

羊公民愛深原叔復善政緝祠右弟五面流聲詩才德

弟三截

交輝映

此行係賈詩之標題

將作監丞通判襄州事賈黯

古郡襄水陽羣山繞郭郭其間峴首者羊公最所樂登

臨見州渚氣象真磅礴公平既已没高碑此饒鑿廟食

有遺像當時盛丹腹到今僅千載碑廟皆頽落喬木荒

榛閒廟址存依約碑倒石屢易文字免缺錯我伏至之

初亭廟皆新作為詩道其意風右弟六面化思所託侯弟三截

慕羊公心仁政及物博將見襄陽治與古相侔若

奉同舅氏襄州龍圖復峴山詩

大理評事通判蔡州事劉敞

道攸寄先覺神契無近知彼美羊公意今在峴山詩陵

谷非一變榮名獨至茲當時偶然語曰與來者期慷慨

激悲歌崔嵬構叢祠懷哉千歲後慰此江漢思公亦蹈

前人方為下空

帝王師奮筆成不朽何翅中

右弟七面
第三截

亭碑

同襄陽龍圖峴山詩

河陽節度推官 裴昱

襄陽有佳山名著

無如峴

嘗休

賢達足

我獨愧

未踐君

侯把麾

符政暇

興不淺

命車

極

登臨旌旆

隨

谷轉心思

羊鉅平息

樹

宜勿剪于今戴清風整整如冠冕高碑本

墮淚

雨

漬空苔蘚廟祠委榛

燕

奚勸

千載善馳章動

天聽盡以功烈

件果聞

下空右弟二
面弟四截

帝曰俞恢宗明祭典哦詩序其事筆銳犀可刺

景

無一

髮遺粲若丹

青

展乃知覽觀時非止在遊衍聲

氣

異代

同美從江漢顯

峴山祠成作詩紀事

滄州觀察推官馬雲

漢水舒舒山崇崇茗然峴首忝清雄南方强吳恃割據

選命儒將登元戎太康已來千餘載荆州遺愛思羊公

江山襟帶号形勝藉此因成輔晉功公謂高賢右弟三

截事迹異視之閑暇無忽忽測知當日登臨意景物亦

與今朝同新就峯巔作亭舍面勢豁若凌煙虹蒼蒼雲

物望不盡浩蕩古意深何窮盤回小逕至鈞石山下臨水有

俯頰凝碧相連通叢箕森木林蔚鬱又從其下興巨石曰鈞臺

祠官品品品品品迅湍急瀨鳴澹清濃嵐翠靄霏濛濛晦晴

氣象隨變易朝昏萬狀殊初終閣老分符二千石旃竿

刻隼車畫熊管內右弟四面民租絕逋負里社歌舞歡

年豐府門晝局宮事退時引賓佐嬉其中崖條嶺蔓雜

丹白澗花滿眼羅青紅磴道邈迤陟縈屈飄若巾屨騰

秋空豈獨游觀樂閑燕圖樹佳政希下

前風經由粗得究本末強顏模寫慙非工音辭鄙俚雖

一唱下詞寒苦無怡融

奉同前

守宜城縣令連庠右弟五面弟四截

大江西來遠重城猶如叢花正練縈左山右阜若開避

曾是峴首當頭橫江湍衝山山不動滔滔雪浪東南傾

隕然巨勢壑漢境萬楚不得專雄名四時美景千百狀

登臨可以攄襟靈近麓採藍秋水淶幽巖團纈春葩明

寒林蕭疎四面合夏木延袤長川青危巔碑墊龜螭墊

陰崖檜老蛟龍形俯瞰洲島相向背風恬江面羅紋生

魚翅數百集其右弟六面下瞥然來往一葉輕波底崢

嶸沈翠影槎頭鳧斂霜翎天然嘉致信可尙直是丹

青寫不成叔子當年樂山水每來置酒空壚罌賢達勝

士共愛此謂此風景魁南荆荆人被化思不已立祠山

椒供祭牲爾來綿亘幾千歲瓦飛棟撓誰經營守臣罕

肯著脚到遂至占固屬兼并非憚鳩工繕完葺誠知仁

政難繼聲帝眷襄陽艮重鎮宜從內閣擇右弟七面名

卿明公之來百城悅壺漿竹馬相歡迎政成公休屢登

覽山前車騎長晶熒僚空寓目看不足詩豪佚發輸精

誠乃教僚屬復祠宇仍從嶺上新虛亭歲時遊憩備言

詠荆人愛之猶鉅平羊公之政公之化異時一致當同

評兩賢繼美何以況山之永芳江之清

奉同前

均州鄖鄉縣尉黃通

右弟二面
弟五截

仙翁移守明年春□書小子中自論□嗟羊公不血食

乃表乞廟于山樊因復為山歎風咏辭氣浩浩涵胚渾

又不東弃賤且鄙似欲瓴甌聯璫捧詩那能測涯岸

但覺俗骨銷沉昏師丈之命重違辟手摩空腹強忍言

召伯聽訟棠樹下後人思伯樹不殘羊公遊處峴山首

送人見山即沈瀾或者怪之輒致詰厥□何惠施元元

蒼云賢者豈徒右弟三面爾其事雖遠迹可根昔者邾

鄔鼎既□三姓竊出窺中原野鬼狂神盜社稷渴龍飢

虎搖輒坤于是生物乃何物虵豕口吻恣吐吞丁黃邢

復顧邦土荒城白晝啼幽冤□石未安晉已奪晉□將

至漢之濱公來有意補膏血甯重黔首輕兒孫朝問疾

苦歷萬室莫復逋逃開四門衆化以術公以道人伏以

威公以息□□□時用□□使民□戴如右弟四面□弟五截

□不然楚山盡竒秀豈特懷□□□村山舊有亭亭有

碑碑前□見墮淚痕獨使庭堅忽不祀可□今古多朱

轡仙翁下車郡即治旋日鞭馬城南犇踟躕山頭念往

事言不輕發心暗捫吾州祠字數十百何功何惠牲牢

飧而令公作若敖鬼嗟我庸敢誇雄藩

王書尋許□祀典庶令賢者終天存士民歡关□□詔

□□日右弟五面弟五截□新宮垣梁國入吳毀淫祠泰伯子

胥方獨尊南陽守

陸

祠子陵制東

薄

俗漸已散仙翁還

作芥子廟漢南又開風教源誠令身在名

滅

者放目仰

視慙英魂鳳林古景絕無

盡未

筭水木兼

蘭

蓀山前遊

騎試思否此山不直供翠樽

右弟六面
弟五截

羊太傅祠內石幢一枚刻宋慶厯七年十一月六日

中書劄子及尙書工部員外郎直龍圖閣知襄州事

王洙原叔重建羊侯祠廟詩和者范文正公端明殿

學士兼翰林侍讀學士尙書禮部侍郎充集賢殿修

撰知河陽軍事李淑尙書屯田員外郎知光化軍事

李宗易提點河東路刑獄尙書祠部員外郎張去惑

太常博士孫抗大理寺丞韋不伐給事中知蔡州事
吳育太子府率致仕李康伯大理評事通判蔡州事
劉敞匠作監通判襄州事賈黯河陽節度推官裴昱
滄州觀察推官馬雲均州鄖鄉縣尉黃通守宜城縣

令連庠

蜀道驛程記

所刻諸詩自驛程記所錄十五人外尙有著作佐郎
范微之凡十六人池北偶談謂詩可辨者三首

王洙

吳育李宗易

而萬厯襄陽志僅載十首

王洙范仲淹

劉敞賈黯裴昱連庠張去惑李康伯馬雲韋不伐
康

熙志僅載六首

王洙范仲淹劉敞賈黯裴昱連庠

乾

隆志亦祇載十二首 王洙范仲淹吳育李宗易張去

或李康伯章不伐賈黯劉敞裴昱馬雲連庠 今攷李

淑詩字畫完好孫抗詩缺十二字黃通詩缺二十五

字亦皆可讀惟范微之詩僅存七十五字其文為不

具耳 湖北通志 湖
北金石存佚考

右峴山詩刻三百四十四行存二千四百五字王

洙復峴山羊祠作詩紀事李淑等和之刻於石幢

起第二面分截橫列周轉回繞面各五截訖七面

四截而止凡廿九截不箸書人名亦不見年月湖

北通志云王洙宋城人仁宗時知襄州案史附其

從子堯臣傳云應天府虞城人則志作宋城者誤也石刻結銜與傳合據傳洙坐蘇舜欽累黜知濠州徙襄州又徙亳州入除史館檢討更修撰遷知制誥攷仁宗紀皇祐元年詳定大樂知制誥王洙言舊樂宮小而商大云云是皇祐元年洙已入知制誥矣詩作於復祠之後復祠帖頒於慶厯七年十一月計此詩之刻當在八年之春或與使帖同時上石惟幢之第八面刻皇祐五年張遵等題名刻此詩時何以空此一面豈刻於皇祐五年後邪然作詩之時實在未改皇祐之前和詩者有范文

正文正歿於皇祐四年是詩作於張遵題名之前
確然無疑作詩者凡十六人王洙字原叔石刻亦
或作源原源通用李淑字獻臣徐州豐人附其父
若谷傳石刻結銜與史合惟史云改給事中出知
鄭州徙河陽而此不系給事中爲異其系以端明
殿學士等銜者于慎行揮麈錄所謂以京朝官銜
出知非外吏也與前王洙系銜及後李宗易吳育
劉敞等銜同例吳育待問子史附充傳字春卿建
州浦城人景祐元年由大理寺丞登制科見仁慶宗紀
麻五年拜右諫議大夫樞密副使轉參知政事未

幾出知許與蔡州此云知蔡州事正與史合惟傳
不載其爲給事中則史之漏也賈黯慶厯六年進
士親仁史有傳字直儒鄧州穰人初除將作監丞
通判襄州今石已剝泐通志引驛程記所載誤將
爲匠并脫丞字據傳改之至黯知襄州則在此後
矣劉敞字原父新喻人慶厯間兄弟同舉進士通
判蔡州尋遷集賢院判考功而不載其爲大理評
事亦史之漏也連庠舜賓子字元禮安州應山人
史附其兄庶傳寥寥數語僅云庠亦登科敏於政
事號良吏終都官郎中而已其累歷官位所勿詳

耳湖北通志載職官甚略諸人姓名多不見者其錄此詩未按款式今石多殘蝕尋繹再三依次編錄據志補詩字據驛程記補銜名范微之詩自表表□形勢以下志亦闕如仍計格綴圖并審出十字字目力既竭拓亦不精實不能再辨矣志載不無關譌王洙詩卑墮之墮作墮从土非爲壘爲作其肩作鼻箕踵踵作踞蔡洲作州詮卽詮字誤作診意超豁意作竟歎顧潤甫歎作數范仲淹詩卓有王原叔原作源忽感槩作思感慨李淑詩官邪俗淪淪作論篆楹舄采舄作寓曠貴貴作首李宗

易詩南夏作南紀孫抗詩退詢耆舊退作追貯飾
作粉飾戚藩作感藩管作榮于燠作千旗公當下
缺左字預倫□缺倫字共仰羊王缺共字李康伯
詩赤帷帷作惟懃作勤范微之詩峴首作漢首雲
□織纖纒缺雲字又缺歲月推姓王悲各坐所名
所十一字劉敞詩曰與來者期曰作正慰此江漢
思此作彼裴昱詩盡以功烈件缺盡字馬雲詩忝
清雄缺忝字選命作選令森木缺木字連庠詩嘉
致作佳致直是作只是思重鎮思作曰江之清江
作水黃通詩明年作前年強忍言忍作亦邦土作

邦本用上缺時字犇作奔言不輕發缺言字士民
 歡关□□詔关作放并缺詔字□□日□新宮垣
 缺日字方獨尊方作古濶作浙放目作收目又驛
 程記張去惑銜名內河東下多一路字茲悉據石
 正之

張遵等題名

字徑一寸七分正書刻弟
 八面上截萃編已錄

永興軍牒後有張遵銜名云邠州觀察使駐泊馬
 步軍副都部署兼管句屯駐本城就糧兵馬公事
 在前此十九年當即其人萃編卷一百三十四載
 此及下截孫頤等題名云未詳是何碑側蓋僅見

此一面也癸巳爲皇祐五年

劉元瑜等題名

六行行十三四五字字徑寸正
書刻第七面峴山詩之下兩截

天章閣侍制知郡事劉元瑜新保州倅虞部郎中路綸
郡倅比部外郎朱适都巡檢崇班王世良長林令何昇
穀城令張唐英襄陽尉李旭同遊峴山置酒賦詩嘉祐
六年辛丑十月四日竹山令權襄陽縣安宗奭奉命書
劉元瑜有傳云河南人除三司監鎮副使以天章
閣待制知潭州又知隨州改信襄二州元瑜又有
祈真巖題名云天章閣待制新知襄州劉元瑜君
玉云云在此刻之前一年其字君玉史所不載路

綸見其父路振傳云錄其子綸奉禮郎蓋以門蔭
初除之職而累歷遷擢俱所弗備見此題名知其
曾倅保州及虞部郎中矣又重修仙鶴觀記碑末
有路綸銜名云禮部員外郎知河南府緱氏縣事
上輕車都尉賜緋魚袋則在此前十一年朱适名
見馮京傳張唐英字次功羅郡新津人史附其弟
商英傳但言擢殿中侍御史而不及其爲穀城令
湖北通志載其政績云縣圃歲畦薑貸種與民還
其陳復配取息銓曹指爲富縣唐英至空其圃植
千株柳作柳亭其中聞者咨羨蓋矯矯自好者錄

以風世

孫頥等題名

字徑寸正書刻張遵
題名下萃編已錄

孫頥字景脩長沙人成象之長子咸平閒進士官
至太常少卿自號拙翁英宗時知桂陽監嘗爲拙
翁銘刻於鹿頭山脊劉摯忠肅集有和其闢鹿頭
山詩苗時中宿州人史有傳載其爲廣西運副而
不及湘南可據以補史之闕湖南通志職官神宗
朝失載其名亦當据補唐義問江陵人史附其父
唐介傳擢湖南轉運判官此但云運判而不系以
何地者因上有湘南字而統之也傳云字士宣而

石刻云君益與傳不符

黃堯允等題名

六行行八字字徑七分正書刻弟二面弟六截

黃堯允元之提刑湖南石璘子

文奉使襄

廣胡宗回純

夫別於峴山之亭元豐庚申仲冬癸巳

宗回謹令男義脩題

胡宗回字醕夫常州晉陵人史附其從父宿傳紹

聖初知隨州蘄州此刻尙在前也湖南通志職官

不載黃堯允當據補於神宗朝庚申爲元豐三年

賀君儀等飲餞題名

五行行八字弟三行七字字徑八分正書刻弟四面弟六截之

半右

畢長進代歸賀君儀趙德麟李汝益馬汝植童君序魏
道輔周共叔同餞紹聖丁丑二月三日

丁丑是紹聖四年

岑巖起等飲餞題名

六行行五字六字不等字徑二寸許正書左行刻第五面第六

截後兩行刻第四面第六截之左

郡太守岑巖起飲餞前熙帥鍾弱翁于此吳周臣趙德

麟魏道輔李方洲俱至

元符元年六月十日

岑巖起名象求梓州人終寶文閣待制入黨籍全

蜀藝文志載其游定林院詩趙德麟名令時太祖

次子燕王德昭元孫元祐中簽書穎州公事坐與

蘇軾交通罰金入黨籍紹興初襲封安定郡王同
知行在太宗正事薨贈開府儀同三司皆見宋詩
紀事鍾弱翁名傅樂平人以集賢殿修撰知熙州
以所奏乖異褫職崇甯中復起知河中府見史傳

吳周卿等題名

六行行六字字徑一寸五分
正書左行刻第六面第六截

吳周卿趙德麟趙君度謝公安魏道輔魏承老同來庚

辰二月六日

趙德麟魏道輔屢見於此幢庚辰當是元符三年

范準夫等題名

四行行七字字徑一寸四分五月
二行字徑八九分正書雜行筆左行

刻第三面
第六截

范準夫公檄覆揜襄陽邂逅李子昂蔡昌期同宿鹿門
別院次早再登

崇甯壬午仲春初三日

壬午爲崇甯元年

王厚之等題名

四行行字不等字徑五分正書
刻弟六面弟五截峴山詩後

淳熙乙巳臨川王厚之順伯被

命措置郵傳至襄陽孟冬二日還轍

胸山高仲一永嘉劉義山中山閣□英餞別于峴首天

字清蕭北望中原慨然久之

乙巳是淳熙十二年

題名自皇祐癸巳至淳熙乙巳凡九則相去一百三十三年蓋先後上石者古人立碑不必盡刊於此可

見湖北通志 湖北金石存佚考

羊公祠有石幢一枚凡八面高六尺每面闊九寸有

蓋有座一面直書下第一行刻使帖襄陽縣第二行

淮慶麻七年十一月六日中書劄子襄州奏當州城

南五里有峴山一所上有古祠案石刻作跡碑又案石刻及

有晉太傅已下俱磨滅僅存聖旨字末行上存帖到

速採石大字書刻上件其六面界作六層上作五層

刻詩下一層題名又一面大書題名 宋人饑飲題

名甚多題名者張唐英趙德麟魏道輔岑巖起李方
叔凡七則大者方員徑寸小者殺其半字畫端勁非
俗書也湖北通志引王士禎池北偶談
右題名九段萃編只載其二餘未之見也間有磨
泐據湖北通志補之其有可攷證者分載於各段
之後池北偶談以爲七則殆未細審之耳

太平宮碑陰

拓本每行上缺三字見高六尺五寸八分廣三尺二分上截文十五行行三十字字徑七分另署一行下截諸人姓名十三行參差不一另立石人名一行俱正書在盤屋

鄉貢進士□□□□上

□□□□□或由於達士□□□下泐十□□□□□

□□□□□淨界以棲真故下為杜純題名所揜計十四格□□□□□

□□□□□賢伯昌仲令謨下為杜純題名所揜計十四格□□□□□

忠□□心□□□□育德奉上竭夙公之節積中窮觀

妙之筌昔在□□□□文之□□□今來仙境惜建

石之不存乃重勒於竒蹤遂再刊於此後一行全泐□□□□□

□□□□□宛在復樹於終南山下五郡城道院之

中寶資下此後一行全泐下空刻陳和叔等題名□□□□□宜令太平宮都

監悟真大師張公□□常加照管無使毀傷期共保於□

□□□□□於下為石夷吾等題名所揜□□□□□道多幽□□人亦瑰

琦□輅車監市之官羽服修真之首前資仙尉釋□□
□□□舉公□□篤士或以□纓之後或以隱士之流
皆擅美於一時宜□□□□□□□□□□具在碑陰仍
俾□□□□斐文紀茲

低十
五格□麻八年七月一日謹記

上關史泐計七寸五分尉□□□開國侯食邑一千三百戶趙
泐

右
上
載

上清太平宮書下泐

□佳□□□□□簡 進士楊下泐

進士呂中維 鄉貢進士張□張□ 進士張_下

商於隱逸吳昊 太室高士吳唐 天台山人張_下

前永壽尉張存 前進士傅其□ 前隴州判官許□

左班殿直前永興軍監清酒務李_下

以上在碑右刻蘇子瞻題名之前

順天興國觀主賜紫道士姜善信

延生觀主賜紫道士劉□□

資聖宮主凝真大師賜紫道士許_下

上清太平宮副官主冲秘大師賜紫道士張_下

上清太平宮主專管勾真宗神御殿兼管勾太宗神御

殿凝和大師賜紫道士劉下

上清太平宮都監專管勾太宗神御殿兼管勾真宗神

御殿悟真大師賜紫道士張下

三班借緋監□平真□下

散人連峯張全安

橘枝楊霧刻

并眾全立石

以上在碑左方末行
字特大 右下截

附
題名十一段

蘇子瞻等題名

上三行行四字字徑二寸餘正書左
行下四行行字不等字徑八九分行

書在碑中間陳
和叔題名之下

蘇軾子瞻章惇子厚同游

章子厚自長安來終南會軾西還岐下因同遊南山軾三年連三至此然與子厚遊其樂如始至也甲辰正月十一日趙郡蘇軾子瞻題

陳和叔等題名

三行字不等字徑八分行書左行在碑上截中間

河南陳和叔涑川司馬伯康金城趙立之同遊 彥古

彥貞彥成預 熙甯二年十二月二十二日題

張景先詩

八行行十字字字徑六分正書在碑右方之下

五郡懷古

南北與東西相逢似有期一言生義氣四海作連枝列

郡衣紅錦全家茹紫芝孤懷本無閒惆悵不同時

元祐丙寅九月二十有六日太平宮主張景先題太

平宮道士竇清□刊

丙寅為元祐元年

薛紹彭等題名

四行行五字字徑八分正書
左行在蘇子瞻題名之左

薛紹彭道祖弟嗣昌亢宗丁卯重陽後一日侍親游

丁卯當是元祐二年

杜純等題名

四行行十四字
字徑八分正書

元祐五年正月廿六日轉運使杜純率蓋屋令唐嘉問

前陝州從事梅愔太平宮主張景先同謁五郡

老子度關之像男開侍行

李備等題名

三行行五字字徑寸餘年月二行雙行小注俱左行正書在碑右方蘇子瞻題

前名

李備馮泳張保源同謁

老君

元祐辛未正月二日

辛未為元祐六年

石夷吾等題名

一行廿一字字徑寸許正書在碑上截十行十一行之間

石夷吾許端卿自樓觀至此崇甯二年十二月廿八日

蒲澈等題名

一行十九字字徑寸許年月一行在右十一字字徑七分正書在碑左極邊

蒲澈洪子著王易竇淵王恕蒲慶隆王坦明同遊

政和元年十二月廿五日題

蒲庭淵等題名

一行十三字字徑一寸五分正書在碑右極邊

蒲庭淵白君政同來政和二年春

白聖美題名

四字字徑一寸四分在李備等題名老君二字之上

白聖美遊

陳道朝等題名

上四字字徑一寸餘下人名兩行各三字字徑七分正書在碑右蒲庭淵

等題名下

樊修弟子

陳道朝梁道倉

右太平宮碑陰在蓋屋疑是度關銘碑陰上截刻

文下截刻諸人姓名參差不等文多漫滅就所見

者錄之文云今來仙境惜建石之不存又有重勒

再刊及復樹於終南山下五郡城道院之中等語
是碑在宋時已重刻矣紀年上一字已泐當是慶
厯八年文後銜名一行當是官斯土者文內有宜
令太平宮都監云云似上聞於朝之詞又有或以
□纓之後或以隱士之流等語蓋卽指下截所列
諸人而言題名有稱順天興國觀主者順天興國
觀卽樓觀唐之宗聖宮也端拱元年改名其石刻
牒文至今尙在有稱延生觀主者慶唐宮延生觀
也有建隆初敕文石刻至上清太平宮有太平興
國五年碑一通王氏已引玉海證之具詳跋語其

云真宗神御殿太宗神御殿者具見宋史禮志太平宮碑所謂二聖繼明運隆二聖也下截題名有前永壽尉張存者攷宋史有張存傳冀州人初爲安肅軍判官終於禮部尙書未嘗爲永壽尉當別是一人後來題名十一段凡廿九人案蘇文忠年譜嘉祐六年辛丑年二十六授大理評事鳳翔府簽判七年壬寅官於鳳翔詩集載壬寅二月有詔令郡吏分往屬縣減決囚禁自十三日受命出府至寶雞號郿蓋屋四縣卽畢事因朝謁太平宮又書上清詞自記云嘉祐八年冬軾佐鳳翔幕以事

至上清太平宮屢謁真君據此則題名所稱之甲辰當是治平元年章惇傳載其與蘇文公遊南山一事此云同游南山蓋卽是時事也其草堂寺題名云惇自長安率司馬君旦安君師孟至終南謁蘇君軾因與蘇游樓觀五郡延生大秦仙游與此均合又此題名另有一刻文無稍異惟行款不同當在樓觀陳和叔名繹開封人神宗立爲陝西轉運副使其華岳題名云熙甯二年九月守彰化十一月移本路轉運副使制置解鹽使此題名在二年十二月正初任運副之時彼題云應體用科彥

古進士彥恭彥成侍行此題有彥貞而無彥恭或未侍遊或卽彥貞改名司馬伯康名旦溫公之兄嘗監鳳翔太平宮薛紹彭史附見其父向傳但云有翰墨才耳字曰道祖與米元章書史合其書樓觀詩結銜稱承事郎勾當上清太平宮兼兵馬監押時在元祐元年此紀丁卯而無建元當是元祐二年不詳官位當與彼同王弇州藁稱其累官修撰知梓州當在此後嗣昌史附向傳云崇甯中歷熙河運判梓州陝西運副此在其前不書官位或尙未仕史稱薛向爲河中萬泉人而紹彭華岳題

名自署曰樂安嗣昌州堂寺詩自署曰京兆與史
不符嗣昌字亢宗史所未詳與草堂寺題名同又
題名末云侍親游攷薛向以元豐元年同知樞密
院事後斥知潁州改隨州卒年六十六元祐中錄
其言謚恭敏則當元祐初年不應尙在秦中殆已
致仕邪杜純字孝錫濮州甄城人其爲陝西轉運
使見於本傳華岳石門均有其題名純之子開建
炎間殉於陝州見趙叔憑傳唐嘉問疑是唐淑問
唐義問之昆弟張保源字澄之見艸堂寺題名後
此一年石夷吾許端卿有樓觀題名年月日與此

相同故云自樓觀至此樓觀在蓋屋縣東南三十里太平宮在縣東三十里相距甚邇也寶淵字深甫亦見艸堂寺題名前此三年彼題名內有蒲澄名此刻有蒲澈當是澄兄弟行

烏石山題刻十六段

在侯官

師秉等題名

高七尺七寸廣五尺三寸四行
行五字字徑一尺一寸正書

師秉仲嘏藏之紹先蒙伯庚寅仲春十日遊烏石山

蔣之奇等題名

高四尺九寸廣三尺四寸三
行行七字字徑七寸正書

熙甯辛亥六月晦蔣之奇頴叔張徽伯常登烏石絕頂

南澗寺王勝題記

高二尺六寸五分廣二尺二寸七
行行九字字徑二寸五分行書

弟子王勝與室中陳六娘同發心各為所生父母捨財入南澗寺架廬一造兼栽松竹永為林漾所奠微勲願延景福宋元豐乙丑歲季冬十四日 謹題

福州社壇銘序

高七尺二寸廣存五尺八寸前三行下截及後半均失拓存九行行十一

字字徑五寸正書

或問社奚銘予

失拓五字

敬如不祭社稷

失拓五字

為民祈報而

政

失拓五字

茲土視其壇地汙且隘不足以行禮廼廣而新

之壇壝器宇靡不用備敢不以告于後之人於是勒銘

于壇之東南烏石山之頂前為亭曰致養以其當州之

坤焉柯通仲容

後失拓

魏稼孫錫曾云下載爲夷牆所掩不可拓銘詞別

爲一段署元祐六年三月今亦圈入夷房

參知政事孟庾等題名

高五尺四寸廣三尺九寸九行行十五字字徑二寸五分

正書

叅知政事孟庾宣撫閩部按視城守回邀 嗣濮王仲

湜資政殿大學士李綱龍圖閣直學士許份顯謨閣待

制王仲薤監察御史福建撫諭胡世將集英殿修撰知

福州事程邁前右正言鄧肅叅議官尙書屯部員外郎

李易機宜朝散郎胡紡幹辦公事直祕閣馬咸承議郎

鄭士彥會于烏石山之長樂臺瑞雲菴紹興壬子正月

二十一日

潘正夫題名

高五尺廣三尺七寸十行行十四字字徑三寸餘正書

靖康之間金人犯闕□□□北□□建炎 中興 天

子受命 吳國長公主始至睢陽明年春淮甸蕩滌□

向南避於錢塘 車駕幸建康還復入 覲繼適江表

舍胡騎去至循□水走湘湖瀕南海而達閩川館于福

唐之神光回登烏石山觀李陽冰篆乃得古人之遺意

越五日而赴 行在□男長卿粹卿端卿温卿侍

紹興二年仲春十三日河南潘正夫題

昭武黃□詩

高二尺七寸廣二尺八寸八行詩四行十字餘不一字徑二寸五分正書

烏石山詩

石碑突倚山顛
羊伏漫漫萬馬聯何

年終古桑田
仙允傳

紹興丁丑中秋月五日
昭武黃

游題

趙子直朱子題名
高四尺八寸廣四尺四行
行四字字徑九寸正書

趙子直朱仲晦瀆熙癸卯仲冬丙子同登

朱子石室題字
高三尺廣三尺六寸二行行二
字字徑尺許款二小字正書

石室清隱
晦翁

右刻在烏石山麓無年月附前題名之後

鄧漢卿等題名

高二尺廣一尺五寸四行行七字字徑二寸二分正書

盱川鄧漢卿頴城張孝則古鄧豐象之紹熹改元上巳

後三日來游

郡丞詹父民題記

高五尺二寸廣四尺十四行行十六字字徑二寸五分正書

嘉定甲申夏四月郡丞桐江詹父民敬對目上澣之暇

登平遠臺陟石樽山訪九仙遺蹟出通僊門得支筵至

禊遊堂觀南湖入甯越門上烏石山憩于道山亭于崑

積雨初霽氣象清明四山環抱如列屏障而是亭左右

大石特立巨木交蔭悠然遠覽南臺江中風帆浪舶歷

々可數前則田疇廣衍後則屋舍參差登臨之勝景物

之繁軒豁呈露不待搜剔而盡見之已而夕陽西墜雲
煙杳靄恍覺身在蓬瀛間充然若有得也然視事已八
閱月始克到此汨沒更塵寸步千里未知再游復在何
日薄莫而歸徘徊甚久摩挲石下刻以誌之兄子容子
好敏侍行

項顒等題名

高六尺廣八尺九行行
七字字徑八寸正書

端平二年四月五日延津項顒邗城張蘊靜海姚琪天
台趙汝孖永嘉范昌世建安游孝嚴四明夏興邗金華
趙希猷會稽唐慶遠怡山鄭逢年同登烏石山

趙希袞題名

高六尺八寸廣四尺二寸五
行行十字字徑八寸分書

淳祐丁未良月望後九日止泓趙希袞偕客楊煥鄭杲
之陳杰挺趙孟佖來遊子與諫與諱侍住山紹潏

魏稼孫云袞疑卽裕字省志山志均作袞誤

趙希潏等題名

高四尺二寸廣二尺四寸五行行十
三字字徑三寸許又書人名半行較

書
小分

淳祐十年九月柯山趙希潏邵莆趙時願林發桂衢徐
士廉智浚河之役凡八百三十丈旬日竣時會兩司屬
檢觀焉是日風高氣清太守宴而眾賓從回識道山亭
之石

□事□循文敬書

陳淳祖等題名

高七尺八寸廣四尺八寸十行
行十七字字徑四寸許正書

咸淳三季春正月十有二日

下空

繡衣使者永嘉陳淳祖

唯道會浙東之仕于福唐者序拜道山永嘉陳懋欽堯

俞金華唐燦潛父四明趙若惠君錫永嘉黃禹錫元功

三衢徐汝乙伯東留夢發彥和金華呂守之擊善永嘉

林鏜夫聲遠方標良材天台徐栢□之永嘉丁一鳳景

陽朱士可起予陳于崇居廣張公輔良弼林潭林源括

蒼劉夢龍夔父會稽董回孫景淵永嘉蔡申顯伯下空連

帥九江吳公以饋至

霹靂巖題榜

高五尺廣二尺一行
三字字徑尺許正書

霹靂巖

無年月亦無書人名

八瓊室金石補正卷九十七終